

14361

huy.


2809

14361

ԿԱՆՈՆ

ՕՐՀՆՈՒԹԵԱՆ

ՍՐԲԱԼՈՅՍ ՄԵՌՈՆԻՆ



ՎԱՂԱՐԱԴԱՏ

Ի ՏՊԱՐԱՆԻ ՍՐԲՈՑ ԿԱԹՈՒՂԻԿԷ ԷԶՄԻԱԾՆԻ:

1890-1891



14361

**Հ Բ Ա Մ Ա Ն Ա Ի**

Տ. Տ. Մ Ա Կ Ա Ր Ա Ք. Ա.

**ՎԵՀԱՓԱՌ ԵՒ ՍՐԲԱԶՆԱԳՈՅՆ ԿԱԹՈՒՂՈՍԿՈՍԻ**

ԱՄԵՆԱՅՆ ՀԱՅՈՑ

**ԱՆՈՒԱՆՔ ԵՒԻՓՈՑ  
ՍՐԲԱԶՈՅՍ ՄԻԻՌՆԻ**

Գրած.	Նուստ, որ է կատիծաղիկ՝ ըստ բա- լականին:
Յուտ պալատան.	Ժ:
Հապ պալատան.	Ժ:
Ղարանֆուլ.	Ժ:
Ճազգուլա.	Ժ:
Ղասապզարիբէ.	Ժ:
Սմուլուհնդի.	Ժ:
Քապապիէ.	Ժ:
Պասպասա ուրումի.	Ժ:
Սատէճհնդի.	Ժ:
Տարչին.	Ժ:
Խուհի.	Ժ:
Ղարտիմանէ.	Ժ:
Բուխուր մարիամ.	Ժ:
Ճաւրի.	Ժ:
Սանդալապետա.	Ժ:
Միեասայիլէ.	Ժ:
Չաֆրան.	Ժ:
Մարտակուշ.	Ժ:
Մահլապ.	Ժ:
Իթիւրմէքէ.	Ժ:
Սօտիքօհի որ է կիպէօհիս.	Ժ:
Ասարիոն.	Ժ:
Զրվարգ.	Ժ:
Պապուհաճ.	Ժ:
Մանուշակ.	Ժ:
Լինուֆար.	Ժ:
Նարնջի ծաղիկ.	Ժ:
Ֆլֆուլ.	Ժ:
Վասիտերև.	Ժ:
Մրտիտերև.	Ժ:
Նէրկիզ որ է նէճէս.	Ժ:
Հապլար.	Ժ:

Եւ թէ յայտ նիւթոցս մին և կամ երկու և երեք պակաս լիցի՝ մի արգելցես զՄեռոնի օրհնելն:

Իսկ պալատանն պարտ է նախ՝ կակղացուցանել ձիթով՝ որ միաւորի ընդ իւզոյ ձիթեմայն, և թէ ոչ լինի կակղացուցեալ՝ յայնժամ յատակն նստի և ոչ տայ զզօրութիւն իւր և լինի կորուստ պալատանին, բայց ըզպալատանն լաւ տաքացուցանեն նախ որիշ փոքր զազանով. նոյնպէս և փոքր ինչ իւր ձիթեմայ ևս եռացուցեն յայլ փոքր զազանով. և ապա զեռացուցեալ պալատանն արկանեն ի մէջ եռացուցեալ իւզոյ ձիթեմայն, զի ի միասին եփեցին և լաւապէս միաւորիցին ընդ միմեանս: Բայց որքան շատ իցէ պալատանն այնքան գովելի է:

Յաղագս եփելոյ զնիւթս սրբոյ Մեռոնին,  
կարի դիւրագոյն և հեշտ:

**Զայս** նիւթքս ուրոյն ուրոյն ծե-  
ծեալ՝ մանրեան և մաղեան և առ զչա-  
փաւոր զազան մի, և ծեփեան խմորով  
ի մէջն, և արկ ի նմա ձէթ՝ և իւղ  
ձիթենեոյ՝ և գինի, և զնիւթս ծաղ-  
կանցն: Եւ սկուտող մի ի բերան զա-  
զանին դիր, և խմորով ծեփեան և  
քար մի՝ չորս հօխայի չափ՝ դիր ի վե-  
րայ սկուտեղին՝ որ հաստատուն մնայ,  
և ի ներքոյ վառեա հուր, և յորժամ  
սկսանիցի եռալ և եփիլ, ապա սակա-  
ւացն զհուրն, որ լինիցի չորս և  
կամ հինգ անծող. աւելի չլինի:  
Եւ այսպիսի հանգարտութեամբ եփեան  
յաւուրս երկուս՝ տիւ և գիշեր, և  
երբեմն բաց և խառնեան. մի գուցէ  
ի տակն փակիցի, և ապա յետ երկուց  
աւուրց՝ առ ի հրոյն, և կացցէ՝ մին-  
չև յաւուրս երկուս, որ լաւ պարզի-  
ապա քամեան մաքուր կտաւօք, և պա-  
հեա մինչ ի յօրհնութիւն Մեռոնին,  
և թէ աւելի իցէ նիւթն, ըստ բաւա-  
կանին պահեա յայնմ աւուր, և զա-  
ւելորդն յառաջագոյն խառնեա ի յա-  
նօթն մեծ, որ լի է իւղով ձիթենեոյն,  
Բայց և զայն յառաջագոյն եռացո հը-  
րով. և զխառնելի նիւթսն ևս զոր  
եփեալ և քամեալ ես՝ նոյնպէս ջերմա-  
ցո և ապա խառնեա, որ լաւ միաւո-  
րիցին: Եւ ամենից վարձատրիչն վար-  
ձատրեսցէ զքեզ ամէն:

Կանոն օրհնութեան սրբոյ Մեռոնին:

Յորժամ հանդերձեալ լինին օրհնել  
զսուրբ Մեռոնն Աստուածագործ:

**Նախ՝** ժողովեսցեն զծաղկունս,  
որպէս յայտ է ի ցուցակին. և եփեալ  
զնոսա, առցեն զնիւթս նոցին, և գի-  
ցեն ի սարկաւագարանն, ի կողմն հիւ-  
սիսոյ ընդ յիշատակի մարմնոյ և ա-  
րեան Տեառն:

Եւ իւղս ձիթոյ ըստ բաւականին  
լցեալ յանօթս, և գիցեն յաւազ խո-  
րանն քառասուն աւուրք յառաջ, և  
ծածկեսցեն եօթն շարով:

Եւ յաւուր մեծի հինգ շաբաթօջ,  
և կամ յաւուր Պէնտէկոստէի, և  
կամ յաւուրս ինչ պատշաճաւորս:  
Հայրապետն զգետաւորեալ՝ հանդերձ  
ժառանգաւորօք եկեղեցւոյ՝ երկոտա-  
սան եպիսկոպոսիւք. և երկոտասան  
սարկաւագօք և դպրօք. որք ունիցին  
խոչս, և գաւազանս, և երկոտասան  
բուրվառս, և երկոտասան քրոցս, և  
մոմեղէնս:

Եւ կատարեն զխորհուրդ սուրբ  
պատարագին՝ մինչև ցողջոյնն, և ապա  
նստցի Հայրապետն յաթոռ, և երկո-  
տասան եպիսկոպոսքն կալով շրջապատ  
առաջի. ունելով ի ձեռս իւրեանց  
զսուրբ նշանն կենաց, և զաջ՝ սրբոյ  
Լուսաւորչին. և այլ զաջ՝ և զնշխարս  
սրբոց, և մեռոնաշիշ մի լցեալ՝ հին  
մեռոնաւ:

Եւ ապա սարկաւագունք. և դպիրք  
գնացեալ ի սարկաւագարանն. զյիշա-

տակ մարմնոյ և արեան Տեառն, և  
զնիւթ ծաղկանցն՝ առեալ փառօք և  
ճոխութեամբ, որք զքրովբէիւք պաշ-  
տելով և քաղցր եղանակաւ բերեալ  
դիցեն յաւազ խորանն:

Յայնժամ կատարէ եպիսկոպոսա-  
պետն զխորհրդածութիւն սրբոյ Մե-  
ռոնին, և սկսանի՝ «աղմ» կարգ ճլա:

Աւելուիա աւելուիա.

Անդ ծագեցից եղջիւր ի Դաւիթ՝  
պատրաստ արարից զճրագ օծելոյ իմոյ:

Ընթերցուածս ի ճննոց:

**Ե**ւ եղև յետ քառասուն ա-  
ւուր եբաց Նոյ զպատուհան  
տապանին զոր արար. և ար-  
ձակեաց զաղաւնին, տեսանել  
թէ ցածուցեալ է ջուրն յերե-  
սաց երկրէ: Եւ չգտեալ հան-  
գիստ ոտից իւրոց, դարձաւ առ  
Նոյ ի տապան անդր, զի ջուրն  
դեռևս ունէր զամենայն երեսս  
երկրի: Եւ ձգեաց զձեռն իւր  
ընկալաւ զնա. և էառ անդրէն  
զնա ի տապան անդր. և դա-  
դարեաց աւուրս եօթն: Եւ  
դարձեալ արձակեաց զաղաւնին  
ի տապանէ անտի. և դարձաւ  
առ նա աղաւնին ընդ երեկս. և

ունէր տերև ձիթենեոյ շիւղ ի բե-  
րան իւրում. և գիտաց Նոյ  
եթէ ցածուցեալ են ջուրքն  
յերկրէ:

Ընթերցուածս յերկց:

**Խ**օսեցաւ Տէր ընդ Մովսիսի  
և ասէ, առ դու խոռնկս անու-  
շքս. և ծաղիկ ընտիր զմանե-  
նեաց, հինգ հարիւր սիկղ. և  
և կինամոն զանուշ. զկէս այ-  
նորիկ երկերիւր և յիսուն: Եւ  
հիրիկ հինգ հարիւր սիկղ ըստ  
սրբութեանն. և զխոռնկ եղէզն  
զանոյշ՝ երկերիւր և յիսուն. և  
իւղ ձիթենեաց հիմենաւ միով:  
Եւ արասցես զայն իւղ յօծումն  
սրբութեան. իւղ եփեալ ըստ  
արուեստի իւղագործաց. իւղ  
յօծումն օծութեան եղիցի. և  
օծցես ի նմանէ զխորանն վկա-  
յութեան, և զսեղանն և զա-  
մենայն կահ նորա. և զսեղանն  
խնկոց և զսեղանն ողջակիզաց,  
և զամենայն կահ նորա՝ և  
զաւազանն և զյատակ նորա՝  
և սրբեսցես զնոսա, և եղի-

ցի սրբութիւն սրբութեանց.  
 և ամենայն որ մերձենայցէ ի  
 նոսա սրբեսցի: Եւ զԱ՛հարոն  
 և զորդիս նորա օժցես և սրբ-  
 բեսցես զնոսա ինձ ի քահա-  
 նայութիւն: Եւ ընդ որդիսն  
 իսրայէլի խօսեսցիս և ասաս-  
 ցես՝ իւզս այս յօժումն սրբու-  
 թեան եղեցի ձեզ յազգս ձեր.  
 ի մարմին մարդոյ ոչ օժանիցի:  
 Եւ ըստ այդմ՝ հանդերձանի ոչ  
 առնիցէք ձեզ այդպիսի. զի  
 սուրբ է, և ի սրբութիւն եղի-  
 ցի ձեզ՝ որ որ առնիցէ այդպի-  
 սի՝ և որ որ տացէ ի դմանէ  
 այլազգւոյ՝ սատակեսցի ի ժո-  
 զովօրէնէ իւրմէ: Եւ արար  
 Խերսելիէլ զիւզն օժութեան  
 զսուրբ և զհանդերձանս ինկոց,  
 գործ մաքուր իւզագործաց:

Յովհաննու Առաքելոյն ի կաթողիկէայց  
 թղթոյն է ընթերցուածս:

Եւ զուրբ զօժութիւն ունիք  
 առ ի սրբոյն. և զիտէք ամե-  
 նեքին: Ա՛չ գրեցի ձեզ՝ եթէ  
 ոչ զիտէք զճշմարտութիւնն.

այլ թէ զիտէք զնա. և թէ՛ զի  
 ամենայն ստութիւն ոչ է ի  
 ճշմարտութենէ անտի: Իսկ ո՞վ  
 է սուտ, թէ ոչ որ ուրանայ  
 թէ Յիսուս չէ՛ Քրիստոսն. նա  
 իսկ է նեոն, որ ուրանայ զհայր  
 և զորդի: Ամենայն որ ուրա-  
 նայ զորդի, և ոչ զհայր ընդու-  
 նի. իսկ որ խոստովանի զորդի,  
 նա և զհայր ընդունի: Գուք՝  
 զոր լուայքն ի սկզբանէ ի ձեզ  
 բնակեսցի, զի եթէ ի ձեզ բը-  
 նակեսցի, զոր ի սկզբանէն լու-  
 այք՝ և զուրբ յԱրդի և ի Հայր  
 բնակեսցէք: Եւ այսք են աւե-  
 տիքն՝ զորս աւետարանեաց նա  
 մեզ զկեանսն յաւիտենականս:

Ելէլուիա՝ Սաղմոս. ՃԼԲ:

Չի բարի կամ զե՞ վայելուչ,  
 զի բնակին եղբարք ի միասին:

Աւետարան ըստ Մատթէոսի:

Իբրև եկն Յիսուս ի բեթա-  
 նիա ի տուն Սիմօնի բորոտի:  
 Մատեալ առ նա կին մի. որ

ունէր շեշ իւզոյ ճանրագնի. և  
 թափեաց ի գլուխ նորա ի բազ-  
 մականին: Իբրև տեսին աշա-  
 կերտքն՝ բարկացան, և ասեն,  
 ընդէր է կորուստ այդ իւզոյդ:

Չի մարթ էր վաճառել զդա  
 մեծագնի՝ և տալ աղքատաց:  
 Գիտաց Յիսուս՝ և ասէ ցնո-  
 սա. զի՞ աշխատ առնէք զկինդ.  
 գործ մի բարի գործեաց դա  
 յիս: Յամենայն ժամ զաղքա-  
 տըս ընդ ձեզ ունիք. բայց զիս՝  
 ոչ հանապազ ընդ ձեզ ունիք:  
 Արկանել գորա զիւզդ ի մարմին  
 իմ առ ի թաղելոյ զիս նշա-  
 նակեաց: Իայց ամէն ասեմ՝  
 ձեզ՝ զի ուր քարոզեսցի աւե-  
 տարանս այս՝ ընդ ամենայն աշ-  
 խարհ խօսեսցի, և զոր արար  
 դա ի յիշատակի գորա:

Սարկաւազն քարոզէ:

Խնդրեսցուք հաւատով միաբանու-  
 թեամբ ի Տեառնէ՛:

Եւ եպիսկոպոսապետն մատուցանէ զաղօթս  
 զայս ինկարկութեան:

Աստուած տուօղ ամենայն  
 մեծամեծ բարութեանց, և բաշ-

խօղ զանազանից պարգևաց  
 ըստ բղխման անսպառ շնորհի  
 ողորմութեանդ քոյ: Դու անբա-  
 կիզքն և անժամանակդ Աս-  
 տուած՝ կամեցար ևս՝ առատա-  
 պէս արտափայլել զշնորհս և  
 զպարգևս ողորմութեան արար-  
 չագործ տէրութեանդ քոյ, զի  
 մի՛ դու միայն վայելեսցես ըզ-  
 բարութիւն անճառելի թագա-  
 ւորութեանդ քոյ: Ա՛սան այ-  
 սորիկ և յարարածս քոյ բըղ-  
 խեալ տարածանես ի սկզբանէ:  
 Աստի ստեղծեր քեզ սպասա-  
 ւորս գերապայծառս՝ զանմարմին  
 և զհրեղէն զօրս հրեշտակաց ի  
 յերկինս՝ ի փառաբանիչս ահաւոր  
 աստուածութեանդ քոյ անզա-  
 դար, և ի վայելել զփառս լու-  
 սաւորութեանդ քոյ: Եւ ոչ  
 բաւականս զնոսա վարկար քոյ  
 անզուգական տէրութեանդ փա-  
 ռաբանիչ, և անսպառ բարեացդ  
 վայելօղ, վասն որոյ ի վթու-  
 թեանցդ յաղթեցեալ՝ ստեղծա-  
 գործեցեր՝ ի հողոյ զմարդն ըստ  
 պատկերի քո՝ ձեացուցանելով:

և իշխան գոյիցս ևս կացուցեր. և հաղորդս և փառաբանիչս ընդ վերնական գուարթնոցն ստորաբնակ հողանիւթն հաստատեցեր. հողով բանականազարդարեցեր՝ և փառօք պայծառացուցեր, որ և այժմ ըզմեր անարժանութիւնս ի թիւնդրանկացն գրելոցն յերկինս կարգեցեր: Եւ ի հողեւորական պաշտօնս յայս զմեզ հրաւիրեցեր, և քահանայապետս և սպասաւորս քո ահաւոր տէրութեանդ արժանաւորեցեր. և ըստ վերնական դասուցն և ի տաճարի փառաց անուանդ քո յօրինեցեր քահանայապետարս, երիցունս, սարկաւագունս, սազմոսերգօզս. որպէս և հաճոյ եղև ամենատես թագաւորութեանդ քո՝ ընտրել զսոսա ի ժողովրդենէ քումմէ, և առնել կցորդս պաշտաման վերնական դասուցն: Աստի և մէք հողածնեալքս, տկարք և անարժանք այսմ մեծի կոչման. զորս հրաւիրեցեր ի պաշտօն

փառաց անուան քո մեծի՝ խոնարհեալ աղաչեմք զներօղ մարդասիրութիւնդ քո՝ որ ոչ երբէք հայիս յանարժանութիւն ստեղծուածոց քոց. այլ ընդունիս անյիշաչարութեամբ զհայցուածս մեր, և ոչ արգելուս զպարգևս քո զառատ շնորհս՝ ծագելով զողորմութիւն աստուածութեանդ քո: Գթան և այժմ յանարժանութիւնս մեր և ի ժողովուրդս քո վասն մեծի անուանդ քո որ կոչեցաւ ի վերայ մեր՝ ընկալ զխունկս զայս ի հոտ անուշից ի բուրումն առաջի քո զթութեանդ, և առաքեալ ի մեզ զշնորհս հողեւոր սրբոյ, առ ի կատարումն մեծի պաշտամանս այսորիկ զոր քահանայազործեմք հրամանաւ սրբոց քոց Եւաքելոցն: Եւ մի՛ եղեցի մեզ խորհուրդս այս ի դատապարտութիւն. և մի՛ անցեալ գնայցեմք ամօթալից, և գտանիցիմք պարտաւոր յահաւոր ատենի քո. այլ ի քաւութիւն և ի թողութիւն մեղաց

մերոց գտցի խորհուրդ: Չի քեզ միայնոյ վայելեն փառք և պատիւ և իշխանութիւն. հանդերձ միածին որդւովդ՝ և իշխանակից սուրբ հողովդ. այժմ և միշտ և յաւիտեանս յաւիտենից ամէն:

Եւ Սարկաւագն քարոզէ:

Եւ ևս խողաղութեան զտէր աղաչես: Օրհնեա՛ տէր՝

Եւ Եպիսկոպոսապետն ասէ զաղօթս:

Աստուած հարց և տէր ողորմութեանց. զու՛ որ ստեղծեր զմեզ ի կեանս և յանպականութիւն, ի հաւանիւն մեր բանսարկուին, և յանցանելն զպատուիրանօք քովք, վճռեցաք ի ծառայութիւն մեղաց և մահու: Իսկ դու զթացեալ ի ստեղծուածս ձեռաց քոց, դարձեալ ի կեանս կամեցար կոչել ի ձեռն հաճութեան միածնի որդւոյ քոյ և տեառն մերոյ Յիսուսի Քրիստոսի. որ զանպատումս զայս և զանհաս քա-

հանայազործութիւնս աւանդեաց մեզ՝ որ և զճանրութիւն մեղաց մերոց և զամօթ արկեալ զենքեամբ՝ յերկնայինն խորհրդականութիւն հրաւիրեաց. և նորոգեալ մեզ զճանապարհ փրկութեան ջրով և հողով՝ զողորմութիւն ցնծութեան շնորհեաց մեզ: Եւ արդ՛ նոյն տէր մեր՝ խոնարհեալ յաղաչանս ծառայից քոց, առաքեալ զպարարտութիւն ողորմութեան քոյ ի պտուղ ձիթենւոյս այսորիկ. զոր ետուր յօգտակարութիւն և ի փրկութիւն ամենայն մարդկութեանս. և բնակեցն ի մեզ զշնորհս հողեւոր քոյ սրբոյ և բարերարի, ի գործակցութիւն և ի լրումն սուրբ խորհրդոց քոց և պաշտամանց՝ զորս կատարեմք ի փառս քոյ: Արպէս զե՛ արժանի լիցուք սուրբ սրտիւ փառաւորել զէդ Աստուած. որում երկրպագեն հրեշտակք և հրեշտակապետք. աթոռք՝ տէրութիւնք՝ պետութիւնք՝ և զօրու-

Թիւնք: Արու՛մ առաջի կան  
պատուականք չորեքկերպեան  
կենդանիքն շուրջ կալով զսուրբ  
աթոռով փառաց քոց՝ բազմա-  
ղէմ՝ և բազմաճայեաց վեցթե-  
ւեան սերովբէք և քերովբէք.  
որք երկու թեօքն ծածկեն զե-  
րեսս իւրեանց, և երկոքումբք  
զոտս իւրեանց, և երկոքումբքն  
թռուցեալք աղաղակեն ընկեր՝  
առ ընկեր՝ անդադար ձայնիւք  
և անլուռ բերանովք զյաղթա-  
կան օրհնութիւնս երգեն զո-  
չելով, և փառաբանելով:

Եսեն դպիրքն ձայնիւ.

Սուրբ՝ սուրբ՝ սուրբ տէր զօրութեանց,  
ի են երկինք: և այլն:

Եւ սարկաւազն քարոզէ:

Եւ ևս խաղաղութեան զտէր աղաջ՝:  
Օրհնեա՛ տէր:

Եւ Եպիսկոպոսապետն ասէ:

Սրբոց սուրբ, և ամենայն  
սրբոց և սրբութեանց տուիջ՝  
միայն ամենակալ Աստուած՝ որ

զերկնաւոր զքո շնորհս անբաւ  
մարդասիրութեամբք քով պար-  
գեւեցեր մարդկան, զիմանալի և  
զհոգևորական քահանայապե-  
տութեանն օրինակ որ յերկի-  
նրս, և յերկրի շնորհեցեր ի ձե-  
ռն միածնի քոյ. ի հաղորդա-  
կիցս առնելով զմեզ երկնայնո-  
ցն: Արպէս ի ձեռն Մովսիսի՝  
զօծեալ արար զԷլզն քահանա-  
յական, կազմել հրամայեցեր.  
զի և յայնժամ եղիցի քեզ  
ի քահանայութիւն՝ ի թագաւո-  
րութիւն՝ յազգ սուրբ և ժո-  
ղովուրդ սեպհական: Դու և  
այժմ միայնդ Աստուած մար-  
դասէր տէր. առաքեա զսուրբ  
Հովիգ քո յերկնից, ի սուրբ  
աթոռոյ քումմէ յառաջիկայ  
յիւզս այս. զի սրբեցի կոչմամբ  
անուանդ քոյ, և միածնի որ-  
դոյ քոյ սիրելոյ, և սուրբ հո-  
գոյ քոյ՝ յօծումն սրբութեան  
գործակցացս ծառայիցս քոց.  
զորս լուսաւորեցեր և վերստին  
ծնար և սրբեցեր յամենայն  
կեղծաւորութեանց, զի սուրբ  
մնասցեն ի սրբութեան Քրիստոսի

տոսի քոյ, և արժանի արա զմեզ  
սուրբ սրտիւ և պարզ մտօք  
բանալ զբերանս մեր և ասել:  
Հայր մեր որ յերկինս ես,  
սուրբ եղիցի անուն քո, եկես-  
ցէ արքայութիւն քո, եղիցին  
կամք քո որպէս յերկինս և  
յերկրի: Եկայք ժողովուրդք  
զօրհնութիւնս ընդ հրեշտակս  
երգեսցուք նմա, որ ետ մեզ  
զԷլզս այս ի փրկութիւն կեն-  
դանութեան՝ ասելով. սուրբ  
տէր՝ սուրբ տէր՝ սուրբ ես տէր  
Աստուած մեր:

Եւ Սարկաւազն քարոզէ:

Եւ ևս խաղաղութեան զտէր աղաջ՝:  
Օրհնեա՛ տէր:

Եւ Եպիսկոպոսապետն ասէ:

Տէր Աստուած, որ մեծդ ես  
և սքանչելի ի փառս քոյ, որ  
պահես զուխտս և զողորմու-  
թիւն սիրողաց քոց, որ շնոր-  
հեցեր զթողութիւն մեզաց ի  
ձեռն սրբոյ որդոյ քո զոր նո-

րոգումն կենաց պարգևեցեր որք  
հնացեալքն էին ի մեղս: Դու  
ես որ իմաստնացուցանես ըզ-  
կոյրս և կանգնես զանկեալս՝ որ  
սիրես զարդարս և պահես ըզ-  
տնանկս: Դու ես որ հաներ  
զմեզ ի խաւարէ և ի ստուերաց  
մահու. ասացեր կապելոց թէ՛  
եղէք, և որք ի խաւարի թէ՛  
յայտնեցարուք. քանզի ծագեաց  
ի սիրտս մեր լոյս զիտութեան  
Քրիստոսի քոյ՝ որ յերկրի երե-  
ւեցաւ և ընդ մարդկան շրջե-  
ցաւ: Արք ընկալան զնա՝ ետ  
նոցա իշխանութիւն որդիս Աս-  
տուծոյ լինիլ ի ձեռն փրկու-  
թեան վերստին ծննդեան՝ զոր-  
դեգրութիւն մեզ շնորհելով,  
և ընդունողս զմեզ արար ան-  
ուան իւրոյ սրբոյ, և փոխեաց  
զմեզ ի բռնութենէ բանսար-  
կուին առ իւր յարքայութիւնն:  
Դու ամենեցուն տէր՝ քանզի  
ոչ կամեցար ըստ հնոյն՝ արեամբ  
ուխտիցն սրբել զպղծեալսն. այլ  
իւզով սրբով ետուր երկիւղա-  
ծաց քոց նշան՝ կնքելով հոգ-  
ւոյդ քո բարերարի: Տուր և

մեզ շնորհս առ ի սպասաւորութիւնս յայս՝ որպէս ետուր Մովսիսի հաւատարիմ ծառային քո և օրէնսդրի, և Սամուէլի, և Յովհաննու ընտրելոց քոց. և որք մի ըստ միօջէ բարեգործք եղեն յազգս իւրեանց: Նոյնպէս և զմեզ արժանաւորեա տէր. լինիլ սպասաւոր նորոյ ուխտի քոյ՝ յօժանել զժողովուրդս քո զոր ընկալար ի ձեռն արեան միածնի քոյ՝ լինիլ նոցա հօտ Քրիստոսի՝ ի թագաւորութիւն՝ ի քահանայութիւն՝ յազգ սուրբ ի ժողովուրդ սեպհական. որպէս զի մերկացեալ զամբարըշտութիւն և զաշխարհական ցանկութիւն. մեռցին մեղացն և կեցցեն արդարութեան. զգեցեալ զՔրիստոսի զօրութիւն առաջիկայքն որք զալոցն իցեն ի ձեռն օժմանս այսորիկ: Արդ եղեցի տէր զօրութեամբ ամենասուրբ Հոգւոյդ քոյ իւզս այս՝ իւղ ցնծութեան, զգեստ լուսաւոր՝ օժումն թագաւորութեան, սրբութիւն հոգւոց և

մարմնոց. շնորհք հոգւորական. պահապան կենաց. կնիք արդարութեան, զէն հաւատոյ՝ նահատակ յաղթող ընդդէմ ամենայն բանսարկութեանց գործոց. օդոց փրկութիւն. ցնծութիւն սրտից՝ ուրախութիւն յաւիտենական. զի որ ոք օժցի ի սմանէ վերստին ծննդեան իւղովս, երկիւղած լիցի յԱստուծոյ և աներկիւղ ի հակառակորդէն: Այլ առաջի կալով քեզ յաւուրն զատաստանի, փայլեսցին որպէս զաստեղս երկնից ի պայծառութիւն սրբոց. ոչ ունելով զարատ կամ զաղտելութիւն. այլ ընկալցին զյաւիտենական հանգիստն՝ ի գործաբարիս հաստատեալ ի պարգևս շնորհացս այսոցիկ, և ընկալցին զյաղթութեան նշանակն՝ վերջստին կոչմանն յողորմութիւն զթութեան Քրիստոսի քոյ: Արում ընդ քեզ վայել է փառք և զօրութիւն հանդերձ սուրբ Հոգւոյդ. այժմ և միշտ և յաւիտեանս՝:

Քարոզ վասն սրբոյ Իւղոյն:

Վասն գտանելոյ մեզ զողորմութեանն շնորհս առաջի տեառն. զտէր աղա՝:

Վասն ընդունելի լինելոյ աղաչանաց մերոց, որպէս խուսկս առաջի տեառն. զտէր աղա՝:

Վասն առաջիկայ իւղոյս. զտէր աղա՝:

Վասն զի օրհնելով սրբեսցէ և լցուսցէ զսա ամենայն շնորհօք և հոգւով սրբով. զտէր աղա՝:

Եղիցի սա՝ ամենեցուն որք տեառնագրին սովաւ. իւղ ցնծութեան և զգեստ լուսոյ. զտէր՝:

Չողորմութիւն և զգթութիւն ի տեառնէ խնդրեսցուք:

Եւ ևս միաբան վասն՝:

Ձանձինս մեր և զմիմեանս՝:

Ողորմեաց մեզ տէր՝:

Եւ Եպիսկոպոսապետն ասէ զաղօթս:

Քարձեալ մատուցանեմք քեզ թագաւոր յաւիտենական. կատարելով զքո տօնիս խորհուրդ. և զպատուական կնիք քո սուրբ եկեղեցւոյս, զՄեռոնս որով կնքեմք զհոգւոց երակս՝ քո անուամբդ. որ յառաջն իջանէր ի մորուսն և ի գլուխն Ահարոնի, ի մորուացն իջանէր ի գրա-

պանս զգեստու նորա: Այլ այժմ՝ տէր՝ եկեղեցիս քո որ հաստատեցաւ յորդիզ ճշմարիտ, մատուցեալ ընդունի զիւզս, զոր հերով գլխոյն ջնջեաց որ զտիւքն տեառն իջանէր. քանզի ոչ էր հնար զերկնային խորհուրդն ի հողեղէն տեղիս հասուցանել: Իւղ թափեալ է անուն քո ասաց գիրն. վասն այսորիկ օրիորդք սիրեցին ըզքեզ. զի նշան է սա թագաւորական. մարգարէական. քահանայական խորհուրդ ճշմարիտ. արդարև կնիք, որով տաս երկիւղածաց քոց նշան՝ առ ի փախչիլ յերեսաց աղեղան չարին. զի արժանի է վասն այսորիկ տէր, և զառաջին տղայոցն կերակուր մատուցանել՝ որպէս և հաւատարիմն քո Պօղոս՝ որ ի քեզն մերձաւորէին, և զաստուածային խորհուրդն ընդունելոց էին, յառաջքան ըզհաստատուն և զկատարեալ կերակուրն՝ արբոյց կաթն նոր ծնունդ որք ի քեզն հաւատասցեն: Արդ՝ այժմ և մէք զսա

պատրաստելով որպէս կաթն՝ մատուցանեմք, զի ամենայն որք ի սմանէ առնուցուն, արժանի լիցին ընդունիլ զհաստատուն կերակուրն. զճշմարիտն, զերկնայինն, ի շնորհաց միածնի քոյ տեսան մերոյ Յիսուսի Քրիստոսի: Արով և ընդ որում քեզ Հօր և ամենասուրբ Հոգւոյդ փառք և պատիւ և գոհութիւն վերառաքին յաւիտեանս յաւի:

Խաղաղութիւն ամենեցուն:

Եւ ընդ հոգւոյդ քո՛ւմ:  
Աստուծոյ երկիրպագեսցո՛ւք:  
Առաջի՛ քո՛ տէր:

Ընկալ և զայս զմեր զաղաչանս Քրիստոս թագաւոր՝ խոնարհեցո՛ զունկն քո յաղաչանս մեր՝ և առաքեա՛ զողորմութիւնս քո ի գործս ձեռաց քոց անտես առնելով զմեզս մեր՝ զարձառ մեզ Աստուած փրկութեան մերոյ. երևեցո՛ զերեսս քո ի մեզ և կեցցուք՝ զի քո՛ է իշխանութիւն և թագաւորութիւն. այժմ և միշտ և յաւիտ՝:

Սաղմոս կցորդ Գ:

Նշանեցու առ մեզ լոյս երեսաց քոց և ետուր ուրախութիւն սրտից մերոց:

Ընթերցուածս Երգոց երգոյն Սողոմոնի:

Համբուրեսցէ զես ի համբուրից բերանոյ իւրոյ՝ վասն զի բարի են ստինք քո քան զգինի: Այլ հոտ իւղոց քոց քան զամենայն խոնկս իւղ թափեալ է անուն քո. վասն այնորիկ օրիորդք սիրեցին զքեզ: Այլ ձրգեցին զքեզ՝ զհետ քո ի հոտ իւղոց քոց ընթացուք:

Ընթերցուածս ի Ձաքարիայ մարգարէ է:

Պատասխանի ետու և ասեմ՝ ցհրեշտակն. իսկ զի՛նչ են երկու ձիթենիքն՝ որք կան ընդ աջմէ և ընդ ահեկէ աշտանակին: Այլ հարցի կրկին՝ և ասեմ՝ ցնա. զի՛նչ երկու ոստք ձիթենեացն՝ որք ի ձեռս երկուց ճրագաբերանացն ոսկեաց արկանելեաց. և ի վեր հանելեաց

Աւետարան ըստ Մարկոսի:

Եւ մինչ էր ի բեթանիա ի տան Միմօնի բողոտի բազմեալ. եկն կին մի. որ ունէր շիշ իւղոյ նարդեան ազնուի մեծագնոյ, և բեկեալ զշիշն եհեղ ի վերայ գլխոյ նորա: Այլ աշակերտքն զչարէին և ասէին, ընդէր եղև կորուստ իւղոյդ այգորիկ: Մարթ էր զայդ իւղ վաճառել աւելի քան զերեք հարիւր գահեկանի. և տալ աղքատաց, և զայրանային նմայոյժ: Այլ Յիսուս ասէ ցնոսա. թոյլ տուք զմա. զի՛ աշխատ առնէք. զի գործ մի բարի գործեաց դա յիս: Յամենայն ժամ զաղքատս ընդ ձեզ ունիք, և յորժամ կամիք կարող էք առնել նոցա բարիս. այլ զես ոչ յամենայն ժամ ընդ ձեզ ունիք: Դա զոր ունէր, արար. յառաջագոյն խնկեաց ըզմարմին իմ ի նշան պատանաց: Ամէն ասեմ ձեզ՝ ուր և քարոզեսցի աւետարանս այս ընդ

զճաշական ոսկիս: Այլ ասէ ցիս. ոչ գիտես, զինչ են այգորիկ. և ասեմ, ոչ տէր: Այլ ասէ ցիս. դոքա են որդիք պարարտութեան՝ որք կան առաջի տեսան ամենակալի:

Ընթերցուածս ի գործոց Առաքելոց:

Քանն առաքեաց որդւոցն իսրայէլի, աւետարանել զխաղաղութիւն ի ձեռն Յիսուսի Քրիստոսի. ասէ ամենայնի տէր: Դուք ինքնին գիտէք զբանն, որ եղև ընդ ամենայն հրէաստան սկսեալ ի գալիլէէ յետ մկրտութեանն, զոր քարոզեաց Յովհաննէս, զՅիսուս որ ի Նազարէթէ՝ զոր էօծ Աստուած հոգւով սրբով և զօրութեամբ:

Ալէլուիա ալէլուիա:

Սաղմոս կցորդ ԽԳ:

Վասն այսորիկ էօծ զքեզ Աստուած Աստուած քո իւղով ուրախութեան առաւել քան զընկերս քո:

ամենայն աշխարհ. և զոր արար  
դա՛ խօսեսցի յիշատակի զորա:

Եւ ապա ասեն շարական ըստ խորհրդոյն. դձ.

Որ յառաջագոյն յօրէնս՝:

Որ խոնարհեցար ի մեզ՝:

Որ ի վերնատունն սուրբ՝:

Որ զարդարես սուլալ՝:

Եւ ապա ասեն զմեղեդիս.

Հայր ամենակալ որ ա՛:

Որդի աստուծոյ իւր թափեալ:

Հոգիդ ճշմարիտ օծ՝:

Երբեակ միութիւն՝:

Ապա ասի Սաղմոս կցորդ. ԻԲ.

Օծեր իւրով զգլուխ իմ՝ բաժակ քո  
որպէս անապակ արբեցոյց զիս:

Ընթերցուածս Երգոց երգոյն Սողոմոնի:

**Պ**արտէզ փակեալ քոյր իմ  
Տարսն. պարտէզ փակեալ և  
աղբիւր կնքեալ: Եւ աբումն քո  
զրախտ նոննեաց Տանդերձ  
պտղօք ծառոց՝ ծաղիկ Տան-  
դերձ նարդոսիւ: Մարդոս և  
քրքում. եղէզն՝ և կինամոն.

Տանդերձ ամենայն փայտիւք լե-  
բանանու՝ զմոռու և Տալուէ  
Տանդերձ ամենայն առաջին իւ-  
ղովքն:

Ընթերցուածս յԵսայեայ մարգարէ Է.

**Ե**ւ արասցէ տէր Սաբաւօթ  
իլերինս յայսմիկ ամենայն Տե-  
թանոսաց. արբցեն զուրախու-  
թիւն. արբցեն զգինի՝ օծցին  
իւղով ի մրրոյ պարզելոյ: Եւ  
ընկալցին ի լերինս յայսմիկ՝  
պատմեա զայս ամենայն Տեթա-  
նոսաց. զի այս խորհուրդ է  
ի վերայ ամենայն ազգաց: Օօ-  
րացաւ մահ՝ և եկուլ. և զար-  
ձեալ եհատ աստուած զամե-  
նայն արտօսր յամենայն երե-  
սաց. և զնախատինս ժողովըր-  
դեանն եբարձ յամենայն երկրէ՝  
զի բերան տեառն խօսեցաւ զայս:

Յօհաննու առաքելոյն ի կաթուղիկեայց առա-  
ջին թղթոյն է ընթերցուածս:

**Զ**այս գրեցի ձեզ՝ զի մի՛ ոք  
զձեզ մոլորեցուցանիցէ: Եւ

զուք օծութիւնն՝ զոր ընկալայք  
ի նմանէ՝ բնակեսցի ի ձեզ. զի  
չէ՛ ինչ պիտոյ թէ ոք զձեզ ու-  
սուցէ. այլ որպէս նորա օ-  
ծութիւնն ուսուցանիցէ զձեզ  
վասն ամենայնի՝ և ճշմարիտ է  
և չէ սուտ. և որպէս ուսոյցն  
զձեզ, կայք ի նմա: Եւ այժմ  
որդեակք՝ կացէք ի նմին. զի  
եթէ յայտնեսցի, ունիցիմք Տա-  
մարձակութիւն, և մի՛ ամա-  
չեսցուք ի նմանէ ի գալստեանն  
նորա:

Ալէլուիա արուեստիւ:

Վասն այսորիկ՝ օծ զքեզ աստուած  
աստուած քո իւրով ուրախութեամբ  
առաւել քան զընկերս քո:

Եւ ապա ասի Սաղմոս. կցորդ. ԻԲ.

Օծեր իւրով զգլուխ իմ:

Աւետարան ըստ Յօհաննու:

**Ե**ւ էր մերձ զատիկն Տրէից.  
և բազումք ելին յերուսաղէմ,  
ի գաւառէ անտի յառաջագոյն  
քան զզատիկն, զի սրբեսցեն

զանձինս իւրեանց: Խնդրէին  
զՅիսուս, և ասէին ընդ միմե-  
անս՝ մինչ կային ի տաճարին.  
զիսրդ թուի ձեզ՝ եթէ ոչ գայ-  
ցէ ի տօն այսր. պատուէր  
տուեալ էր քահանայապետի-  
ցրն և փարիսեցւոց. զի թէ  
ոք զիտասցէ թէ ուր է. գու-  
շակեսցեն զնմանէ, զի կալցին  
զնա: Իսկ Յիսուս վեց աւուրբք  
յառաջ քան զզատիկն եկն ի  
Բեթանիա. ուր էր Ղազար  
մեռեալն. զոր յարոյցն ի մե-  
ռելոց: Եւ արարին անդ նմա  
ընթրիս. և ի սպասու կայր  
Մարթա. և Ղազար մի էր  
ի բազմելոց ընդ նմա: Իսկ Մա-  
րեմայ առեալ լետր մի իւղոյ  
նարդեան ազնուի մեծագնոյ.  
էօծ զոտսն Յիսուսի. և Տերով  
իւրով մաքրէր զոտս նորա. և  
սուռն լի եղև Տոտոյ իւղոյն:  
Եւ մի ոմն յաշակերտաց ան-  
տի Յուդայ Իսկարէովտացի.  
որ մատնելոցն էր զնա: Բն-  
դէր ոչ իւղդ այդ վաճառեցաւ  
երեք Տարիւր զենարի, և տուաւ  
աղքատաց: Օայս ասաց՝ ոչ

14361

զի աղքատաց ինչ փոյթ էր նմա. այլ զի գոյ էր՝ և զարկզըն ինքն ունէր. և որ ինչ անկանիւրն նա կրէր: Ասէ Յիսուս. թոյլ տուք դմա. զի յորըն պատանաց իմոց պահեսցէ զայդ: Օ աղքատս յամենայն ժամ ընդ ձեզ ունիք. զիս ոչ հանապազ ընդ ձեզ ունիք: Իբրև գիտաց ժողովուրդ բազում ի հրէից թէ անդ է, եկին, ոչ միայն վասն Յիսուսի, այլ զի և զՂազար տեսցեն, զոր յարայցն ի մեռելոց: Խորհուրդ արարին քահանայապետքն՝ զի և զՂազար սպանցեն: Քանզի բազումք ի հրէից երթային և հաւատային ի Յիսուս:

Քարոզ ձայնիւ տեսնն ներսիս ասացեալ ըստ անուան իւրոյ:

Նոր օրհնութիւն ընդ հայցուածոց մաղթանաց մատուցանեմք առաջի քո հայր անսկիզբն. որդի անժամանակ. հոգի մշտնջենաւոր. մի աստուածութիւն և զօրութիւն. որով գոյացան էութիւնք իմանալեաց և տարբերիւնաց. յորոց և բնութիւնն խորհրդատեղծ անկերպիգ կերպարան. որոյ

խաբմամբ խաւարին յարփիականն մերկացեալ լուսոյ: Սակայն ոչ անտես եղեալ ի քէն բարերար. ահա ընկալցիս զպաղատանս ժողովելոցս յաղագս առաջիկայ օծման իւղոյս ընդունելոյ առ ի քէն շնորհս. աղաչեմք:

Եիդ լուսոյ անեղի ծագեալ ի ստորինրս. մի ի յերից ծագումն անուն Միածինդ. օծեր աստուածութեամբք իբր իւղով զառեալն ի մէնջ մարդկութիւն. զնոյն օծումն ընդ զգայականի խառնեալ օծութեան. օծեր իւղով ուրախութեան զանդամն մարմնոյ քո զեկեղեցի յօգեալ ընդ քեզ միութեամբ ի գլխոյդ ահարոնեան ի գրապանս իջեալ զգեստուց. իւղ թափեալ անուն լցեր անուշահոտութեամբ զանհամութիւն բնութեանս. վասն որոյ և օրիորդք առ ձայնեալ փեսաւէրացն առաքելոց. հաստատեալ զինքեանս իւղովս այս օրհնութեամբ. ահա ընկալցիս՝:

Բաբուն պանծալի վեհիցն և ստորնայնոցս խորագոյն հիման եկեղեցւոյ քո ճարտարապետ. որ և ի հնումն զորդեգրութեանն աւետիս աղաւնեալ հոգւոյն ի տիպ ձիթենւոյ առ Նոյ ծանուցեր. զնոյն Մովսէսիւ ծաղկանց քոյիւք ընդ սոյն խառնութեամբ նշանակեցեր ընդ մերս օծութեան զչորից առաքինութեանց խառնել միութիւն յորդիս օծելոց. որով օծան պետք նախնի օծելոցն հնոյ օրինին. զասք թագազարմից և մարգարէից. քահանայիւք և պաշտօնէիւք. սովաւ և ի

նորումս ըզ ի ձեռս աւազակաց անկեալ նախահօրն զվէրս հոգւոց բրժշկեալ. զմարգարէին բարբառ լցեալ. օծեր իւղով զգլուխ և բաժակաւդ իմաստութեան զուարճացուցեր. ահա:

Սովին օծմամբ իւղոյ զարդարեցեր զեկեղեցի քո Քրիստոս անհիւթական հոգւոյն իջմամբ նախ զորս ի վերնատունն. զնոյն ընդ հիւթականիս իւղոյ և ջրոյ զհոգւոյդ խառնեալ զօրութիւն. ծնար սովաւ զառ ի քեզ հաւատացեալս յորդիս լուսոյ և յորդիս տրւնջեան. յօծումն քահանայական և թագաւորական. դրոշմն տիրական և կնիք զգայական. ծերութեան իմաստութիւն ի ձէթ հոգւոց պարարտութեան. յորմէ օծան հեթանոսք պարզեալ իւղով ի լերին սրբութեան. ահա՝:

Եկեալքս ի տաճար փառաց քոց օծեալք Աստուծոյ հովուապետք հովուք և պաշտօնէիւք. զձեռս և զմիտըս վերամբառնամք առ մերձգ ամենից. ժամանեա մեզ անհեռանալիմաւրով ի մէնջ յանուն քո ժողովելոցս. ընկալ ի լրումն եկեղեցւոյ քո զընծայեալս ի քոյոց պարգեաց. և զհոգւոյդ միացս աներեւոյթ զօրութիւն ընդ իւղս այս երեւելի ի զուարթութիւն տրտմեցելոց. յօծումն եղջեր եկեղեցւոյ խեթկել զընդիմամարտին զօրութիւն. եղիցի սա նշան ի ճակատ նախահրաւէր կոչելոցն յարքայութիւնըդ երկնից. ահա ընկալցիս՝:

Սրբեա զմիտս և զխորհուրդս և

զգայական բնութիւնս սովաւ օծելոց. ծնանիլ յորդեգրութիւն Հօրդ երկնաւորի ի քում ժառանգակցութիւն. նկարել վերստին զպատկերի քո գեղեցկութիւն ի դէմն ամենի. զգեհուլ զքեզ իբր գեղմամբ պարածածկեալ ոչխար և գառն Աստուծոյ. զպատմուածանդ առաջին ըստ անառակին ոչ մերկանալ դարձեալ այլ մաքրել արտասուօք. զխայթուածս թունից մահաբերին սպեղանեալս այսու բժշկեսցես. ահա ընկալցիս՝:

Ի Հօրէ բղխումն անսպառ որդւոյ փառակից հոգի Աստուծոյ. ի ջուրց վերաստեղծիչ կենդանեաց. զգալեաց յառաջնումն և իմանալեաց յերկրորդումն. առ որ պաղատիմք հայցմամբ մաղթանաց ժողովեալքս առաջի քոյ. հեղուլ առատապէս զշնորհաց քոց զանազանութիւն ի յիւղս այս սրբութեան ըստ էակցի քո մարդեղութեան ի մեզ նկարեալ. զհոգի իմաստութեան և հանճարոյ. հոգի խորհրդոյ և զօրութեան. զհոգի գիտութեան և Աստուածապաշտութեան. զհոգի երկիւղի Աստուծոյ և որդեգրութեան. ընուլ սովաւ գրոշմեցելոցն եօթնարփեան շնորհի քո առատութեամբ. բարեխօսութեամբ մաքրեալ հոգւոց քոց բնակութեան արժանացելոց. իննեակ զասուց հոգեղինաց և ընտրելոց ի քէն հողեղինաց. ամէնօրհնեալ կուօի Մարիամու աստուածածնի. մեծին ի ծընունդս կանանց նախահրաւէր այսմ շնորհի Մկրտչին Յովհաննու. նախնոյն վկայից և սարկաւագաց սրբոյն Ստե-

փաննոսի. առաքելովք և մարգարէիւք. մարտիրոսօք և ճգնաւորօք. և համօրէն սովաւ օծելովք արդարոցն. և այսր օծմամբ զմեզ լուսաւորչի սրբոյն Գրիգորի. ահա յիշեսցի:

Եւ ևս առաւել զյորդոր՝:

Զանձինս մեր և զմիմեանս՝:

Ի սոտեա զմեզ սովին օծութեամբ ի հուր սիրոյ քո հուրդ Աստուած խնդրեմք:

Գերագունի էիք գթութեան զքոյս պարգև շնորհի ածեմք յաղերս փարելի. շնորհեա սովաւ զխաղաղութիւն եկեղեցւոյ և ընդ սովին տաղաւարեալ հօտի. պահեա զնուիրող այսր ընծայի զՀայրապետս մեր զտէր (այս անուան) քեզ ի հաճոյս. եպիսկոպոսօք և վարդապետօք քահանայիւք և սարկաւազօք և պաշտօնէիւք. զօրացո և զօծեալն ի թագ արքայութեան սորին շնորհիւ պսակեալ զօրապետօք և զօրականօք. վանել զներհակական զօրութիւնս ոչ օծելոցն խաւարազգեստից. պարգևեա սովաւ և տարերաց զբարեխառնութիւն. բուսոց և տնկոց զառատապէս պտղաբերութիւն. յիշեա և զհոգիս ննջեցելոց մերոց սրբալոյս այս իւրոյ Մեռանիւ օծելոց. և ի ծագման քո մեծի իբր զիւղեալ պատրոյկ վառեցես ընդ նոսին և զմեզ անշէջ քո լուսով. և այժմ ողորմեաց մեզ տէր Աստուած մեր ըստ մեծի ողորմութեան քում ասացուք ամենեքեան միաբանութեամբ:

Եւ սարկաւազն քարոզէ:

Եւ ևս խաղաղութեան զտէր ալաչ՝:

Սրհնեա՛ Տէր:

Եւ ասէ Հայրապետն զաղօթս:

**Տէր** ողորմութեան և հայր լուսոյ. յորմէ ամենայն տուրք բարիք, և ամենայն պարգևք կատարեալ իջեալ է. շնորհեա՛ մեզ անարժան ծառայիցս քոց զշնորհս քո ի սպասաւորել մեծի և կենարար խորհրդոյս քո. որպէս ետուր **Մովսիսի** հաւատարիմ՝ ծառային քո. և ծառային քո **Սամուէլի**. և սրբոց քոց առաքելոցն: **Առաքեա՛** զամենազօր **հոգիդ** քո յառաջադրեալ մեռոնս այս. և արա՛ զսա յօժումն **թագաւորական**. շնորհք **հոգևոր**. կեանք **կենաց** մերոց՝ պահապան և սրբարար **հոգւոյ** և **մարմնոյ**. իւղ **ցնծութեան**, որ առաջնորդեցաւ մեզ յօրինացն. և պայծառացաւ ի նոր ուխտսդ. որով օձան քահանայապետք. մար-

զարէք. և **թագաւորք**. ըստ որում և զու ինքն օծէր ըզսուրք զառաքեալն քո. և նոքա զամենեսեան ի ձեռն աւազանին վերստին ծննդեանն. և եպիսկոպոսօք և քահանայիւք. յորոց վերստին ծնանին մանկունք եկեղեցւոյ մինչև ցայսօր: **Այժմ** տէր **Աստուած** ամենակալ. իջցէ՛ ի սա՛ շնորհք երկրպագելի և սուրբ **հոգւոյդ**. զի լիցի սա զգեստ անապական. կնիք կատարելութեան. կատարումն ի տպաւորել զլուացեալսն յաստուածային աւազանն. առ ի յընդունել զսուրբ անուանակոչութիւն ըստ միաձնի որդւոյ քո անուան. ի ձեռն ամենասուրբ **հոգւոյդ** լինել նոցա սովաւ առաջի քո ծանօթ և ընտանի. և զամենայն զծառայս՝ զարս և զկանայս, սուրբ **հոգւով** և **մարմնով** պահեա՛ զերծանիլ յամենայն չարութենէ և յամենայն մեղաց փրկիլ. ծածկութիւ անապական փառաց քոց ճանաչել զքեզ ի ձեռն սուրբ քո այսմ նշանի. և սիրելի լինիլ

սրբոց **հրեշտակաց** և **հրեշտակապետաց** և ամենայն երկնային զօրութեանց քոց. և ահաւոր երևիլ ամենաչար և անմաքուր **հոգւոյն**: **Ա** ինիլ քեզ ժողովուրդ սեպհական. **թագաւորական**. և քահանայական. յազգ սուրբ կնքեալ յամբժութիւն մեռոնիւս այս. և ունիլ զԲրիստոսըդ ի սիրտս իւրեանց բնակեալ. հանդերձ քե Հայր՝ և ամենասուրբ **Հոգւովդ**. զի սուրբ ես տէր **Աստուած** մեր և ի սուրբըս հանգուցեալ. և քեզ փառըս վերառաքեմք **Հօր** և **Որդւոյ** և **Հոգւոյդ** սրբոյ. այժմ և միշտ և յաւիտեանս յաւիտենից. ամէն:

Խաղաղութիւն ամենեցուն:

- Գպ. Եւ ընդ հոգւոյդ քում:
- Սրկ. Աստուծոյ երկիրպագեսցուք:
- Գպ. Առաջի քո տէր:

**Քեզ** **Աստուած** բոլորից՝ և **թագաւոր** յաւիտենից. զպարանոցս սրտի զոհաբանութեամբ խոնարհեցուցանեմք. որ

զանարժանութիւնս մեր պաշտօնեայս լինել արժանի արարեր քո այսմ աստուածային խորհրդոյս: Քարոզեմք զողորմութիւն քո զոր առատապէս ի վերայ մեր հեղեր, ընկալեալ ի քէն զսրբութիւն Մեռոնիս ի գլուխս մեր, որ մեռոն թափեալ անուանեցար՝ Քրիստոս Աստուածդ մեր, և քոյով անուշահոտութեամբդ լցան ամենայն երևելի և աներևոյթ արարածք: Այսանորոյ և յամենեցունց քեզ վայելէ ամենայն երկրպագութիւն, ընդ Հօր և ընդ սրբոյ Հոգւոյդ, այժմ և միշտ և յաւիտեանս յաւիտ":

Եպիսկոպոսական տայ զերգումն ասելով:

Երգմնեցուցանեմ զքեզ նիւթ ձիթոյ, յանուն Հօր ամենակարողի որ արար զերկինս և զերկիր, և զծով և զոր ինոսազի ամենայն ներգործութիւն սատանայի և չարութիւն նորա եթէ իցէ ի քեզ, լիցի իքէն հեռացեալ, որ-

պէս զի օրհնութեամբ զօրացիս յօծեալսն, քէն տպաւորել զհոգին սուրբ յանուն Հօր ամենակարողի, և Արդւոյ տեառն մերոյ Յիսուսի Քրիստոսի, այժմ և միշտ":

Եւ սարկաւագն քարոզէ:

Օրհնեա՛մ Տէր,

Եւ ապա Հայրապետն ասէ զաղօթս:

Արժան և իրաւ է ճշմարտութեամբ զքեզ փառաւորել յամենայն ժամ և յամենայն տեղոջ տէր ամենակարող հայր յաւիտենական Աստուած, որ ի սկզբանն ընդ բազմապատիկ պարզեացն որ ի քումմէ գլխութեանէդ՝ հրաման ետուր երկրի բուսուցանել զփայտս պտղաբերս, ընդ որս և զձիթենի ծառն պաղարթազուարթ արարեալ ետուր մեզ, ուստի մարդիկ կթեցին պտուղ, և մզեալ անտի զձէթս որ նիւթեալ է ի Մեռոնս սուրբ, յոր

և Վաւիթ մարգարէն շնորհօք սուրբ հոգւոյն նայեցեալ ի բացուստ սաղմոսէ, ետուր ուրախութիւն սրտից մերոց ի պլտոյ ձիթենոյ: Վաւ յորժամ ի մեղաց աշխարհ սրբեցաւ հեղեղան՝ ծփեալ տապանին ի մէջ ջրոցն, աղաւնին ետ միսութարութիւն և նշանակ ցամաքութեան՝ զտերև ձիթենոյն աւետարանեալ զեսաղաղութիւն որ տուաւ երկրի: Եւ այս խորհուրդ լուսաւորեցաւ ի յստակ միտս ի վերջին ժամանակս ջրով մկրտութեան, որով լուանի ամենայն մեղք, և յօծութիւն ձիթոյս, որ զուարթացուցանէ զհոգիս: Վու հրաման ետուր և ծառային քում Մոսսէսի զահարօն եղբայր իւր նախ լուանալ ջրով, և ապա՝ օծանել զնա քահանայ հեղմամբ այսմ իւղոյ: Վսկ այժմ ևս առաւելապէս փառս տուաւ այսմ նիւթոյ, զի ի լուանալն հաճեցեալ և սիրեցեալ որդւոյ քո տեառն մերոյ Յիսուսի Քրիստոսի յալիսն Յորդանա-

նու՝ զհոգին սուրբ առաքեցեր ի վերայ նորա ի նմանութիւն աղաւնոյ, և օծէր զնա Վրիստոս ըստ սաղմոսերգոյն Վաւթի, էօժ զքեզ Աստուած՝ Աստուած քո իւղով ուրախութեան առաւել քան զընկերս քո: Այսն այսորիկ աղաչեմք զքեզ տէր, սուրբ՝ ամենակարող, ամենակալ, և յաւիտենական, խնդրեմք ի քէն ի ձեռն տեառն մերոյ Յիսուսի Քրիստոսի որդւոյ քոյ, որպէս զի կամօք քոյ սրբեցես օրհնութեամբ զայս նիւթ պարարտութեան և խառնեցես օրհնութեամբ յիւզս յայս զսուրբ հոգիդ և զգօրութիւն Քրիստոսի քոյ՝ յորոյ անուն կոչեցաւ սա օծութիւն, որով օծեր զքահանայս, և զթագաւորս զմարգարէս և զքո վկայսն, զի եղիցի սա օծութիւն փրկութեան այնոցիկ, ոյք կենդանանան մկրտութեամբն ի ջրոյ և ի սուրբ հոգւոյդ, որպէս զի ընկալցին ի քէն զերկնաւոր օգնութիւնդ ի ձեռն միածնի Արդւոյ քոյ և

տեառն մերոյ Յիսուսի Քրիստոսի. որ ընդ քեզ և ընդ սուրբ Հոգւոյդ երկրպագի այժմ և յաւիտեանս. ամէն:

Եւ սարկաւազն քարոզէ.

Եւ ևս խաղաղութեան զտէր՝:

Օրհնեա՛ Տէր:

Քահանայապետն ասէ զաղօթս զայս.

Սուրբ ահաւոր անուն, լոյս ի լուսոյ, և ծագումն առ ի Հօրէ, Աստուած բոլորից. և ստեղծիչ գոյից՝ տէր կամարար Յիսուս Քրիստոս որդի Աստուծոյ. արարիչ ընդ Հօր քում և ընդ Հոգւոյդ՝ էից՝ որ են ի տեսման և ի ծածկութեան. որ եսդ՝ և էիր միշտ անթերի լրութիւն. առեր զմերս խկապէս, զի ի լրութենէ քում մէ լցուցես զամենեսեան՝ օժեալ օծութեամբդ, և օծումն համայնից ի քոյդ անուանելոց: Արոյ սկզբնաձիր օժմանս այս շնորհի՛ զորս զայս ցուցեր մեծի հինգչաբաթոջս՝ ստուերականի

և հնոյ օրինին զատկի. յորում տօնեմք պարերգութեամբ հրեշտակին զպարզ և աշխատութեան ամէնիմաստիդ յիւղ զըլարթ անբիծ զաւանմամբ. զոր ի վերուստ օրինօքն և մարգարէիքն օրինակեցեր զճշմարտութիւն այսմ լուսափայլ իւղոյ օծութեան. անդստին ի հարցն զճաղրեցեր զօրինակն մինչև ի լրումն ածեր զիսկութիւնն ճշմարտապէս: Քանզի առ Նոյիւ ի ձեռն սաղարթին ձիթենւոյ բերմամբ աղանւոյն յետ հեղեղելոցն մեղօք ջրովք հեղձականին, ծանուցեր զաղանակերպ հոգւոյ քո իջումն առ ի Քէն և ի Հօրէ ի վերայ նորածնելոցն. զորդեգրութեանն պայման բերելով սովին օժմամբ զկնի մեղացն հեղձանելոյ ի ջուրս աւաղանին:

Մեկքիսեղեկ օրինակն ճրշմարտութեանդ ի ձիթաստանեաց լերինն ուր յետոյ ոտք մարմնացելոյդ Աստուծոյ կացին. ի վերնոց անտի հրեշտակաց ի պտղոց տեղւոյն իւղեալ օժաւ

